

# Møteprotokoll

**Utvalg:** Nasjonalparkstyret for Jotunheimen og Utladalen  
**Møtested:** Naturhuset, Utladalen - Avdalen  
**Dato:** 22.08.2012  
**Tidspunkt:** 10:00 – 16:00

## Følgjande faste medlemmer møte:

Namn	Funksjon	Representerer
Mai Bakken	LEIAR	Lom kommune
Arild Ingar Læg Reid	MEDL	Årdal kommune
Jørand Ødegaard Lunde	MEDL	Oppland fylkeskommune

## Følgjande medlemmer hadde meldt forfall:

Namn	Funksjon	Representerer
Ivar Kvalen	NESTL	Luster kommune
Vidar Eltun	MEDL	Vang kommune
Iselin Jonassen	MEDL	Vågå kommune
Frida Melvær	MEDL	Sogn og Fjordane f.k.
Marit Aakre Tennø	VARA	Luster kommune
Aud Irene Hamre Rogn	VARA	Vang kommune

## Følgende varamedlemmer møte:

Namn	Møtte for	Representerer
-		

## Merknader

Det er ingen vara for Iselin Jonassen.

## Frå administrasjonen møte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar

Arild Ingar Læg Reid

**Underskrift:**

Vi stadfester med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Har Bekken Jorand O. Lund \_\_\_\_\_

## Saksliste

Utvalgs- saksnr	Innhold	Lukket	Arkiv- saksnr
ST 31/2012	Godkjenning av protokoll/innkalling		
	Referatsaker		
RS	Nasjonalparkstyret for Jotunheimen og Utladalen - representant til administrativ faggruppe		2012/5076
RS	Midler til forvaltningsknutepunkt 2012		2011/8234
ST 32/2012	Nasjonalparkstyret for Jotunheimen og Utladalen - navn på styret		2012/193
ST 33/2012	Utladalen landskapsvernområde - Dispensasjon - 2012 - Nytt toalettanlegg, universell tilkomstveg og etablering av utescene ved Utladalen Naturhus - Stiftinga Utladalen Naturhus		2012/4803
ST 34/2012	Etablering av miljøvedtaksregister - Høyring		2012/4994
ST 35/2012	Jotunheimen nasjonalpark - Bidrag til nytt amfi ved Gjendesheim - Besøksstrategi for Jotunheimen - DNT Oslo og Omegn		2012/4353
ST 36/2012	Nasjonalparkstyret for Jotunheimen og Utladalen - - Plan for disponering av frie tiltaksmidler for 2012		2012/193
ST 37/2012	Jotunheimen nasjonalpark - Dispensasjon - 2012 - Innsamling av aurskrinneblom - NTNU Vitenskapsmuseet v/ Hans Stenøien		2012/5367
ST 38/2012	Jotunheimen nasjonalpark - Dispensasjon - Motorferdsel - Transport frå nasjonalparkgrensa til Glitterheim - Michael Dahmen		2012/5372
ST 39/2012	Jotunheimen nasjonalpark - Dispensasjon - Motorferdsel - Transport av funksjonshemma frå nasjonalparkgrensa til Glitterheim		2012/5399

## ST 31/2012 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 22.08.2012

### Vedtak

Ingen merknader til innkalling og dagsorden.

Underskrift styreprotokoll:

Ingar Arild Lægreid og Jørand Ødegård Lunde i tillegg til leiar Mai Bakken.

Grunna at styret ikkje var vedtaksdyktige, vart det laga ei innstilling frå dei frammøtte i styret på synfaring/møte 22.08.12, som vert sendt for godkjenning per e-post til alle styremedlemmene.

Kommentarar for vurdering i neste møte:

- Styret bør vurdere om det skal oppnemnast ein vara til AU.
- Sekretariatet utarbeidar framlegg til møteplan til neste møte.

## Referatsaker

**Nasjonalparkstyret for Jotunheimen og Utladalen - representant til  
administrativ faggruppe**

**2012/5076**

**Midler til forvaltningsknutepunkt 2012**

**2011/8234**

Merknad frå styret:

- Då det berre er aktuelt å søkje om midlar til opprusting av forvaltningsknutepunktet på Fjellmuseet, sluttar styret seg til at det blir søkt om midlar til oppgradering her.

## **ST 32/2012 Nasjonalparkstyret for Jotunheimen og Utladalen - namn på styret**

**Saksprotokoll i Nasjonalparkstyret for Jotunheimen og Utladalen - 22.08.2012**

### **Vedtak**

Namn på styret for verneområda Jotunheimen nasjonalpark og Utladalen landskapsvernområde er: *Nasjonalparkstyret for Jotunheimen og Utladalen*

## **ST 33/2012 Utladalen landskapsvernområde - Dispensasjon - 2012 - Nytt toalettanlegg, universell tilkomstveg og etablering av utescene ved Utladalen Naturhus - Stiftinga Utladalen Naturhus**

**Saksprotokoll i Nasjonalparkstyret for Jotunheimen og Utladalen - 22.08.2012**

### **Vedtak**

#### **Innstilling frå dei frammøtte i styret, for endeleg godkjenning gjennom e-post:**

Stiftinga Utladalen Naturhus får med heimel i naturmangfaldslova §48 løyve til å utvide toalettanlegg, etablere ny gangveg for rullestolbrukarar og etablere utescene i tråd med søknad datert 28.06.2012. Løve vert gjeve på følgjande vilkår:

- Det nye toalettanlegget skal nytte materialane frå det gamle toalettanlegget og eventuelt supplere med materiale med same framtoning.
- Det nye toalettanlegget skal så langt som råd ha same takvinkel som eksisterande anlegg.
- Eventuelle avvik skal leggast fram for forvaltar for godkjenning.
- Styret er positiv til universell utforming, men tilpassinga må ikkje gå på bekosting av verneverdiane. Detaljerte planar for gangvegen skal leggast fram for forvaltar for godkjenning.
- Murar skal oppførast i naturstein eller forblendast med naturstein slik at dei ikkje skil seg frå eksisterande murar.
- Dekke på den nye gangvegen skal vere grus om lag tilsvarende som på Folkevegen til Vetti.
- Utescena skal ha tradisjonell utforming og materialval. Taket skal vere som dei eksisterande hovudbygningane, tre eller bølgjeblekk. Eventuelle straumleidingar skal vere skjult og straum skal berre nyttast i samband med arrangement eller drift. Det skal ikkje vere faste elektriske installasjonar på bygget (utelys, varmelampe o.l.).
- Høgda på yttervegg av utescena skal ikkje overstige 220 cm.
- Tiltaka skal gjennomførast innan 3 år.

## ST 34/2012 Etablering av miljøvedtaksregister - Høyring

### Saksprotokoll i Nasjonalparkstyret for Jotunheimen og Utladalen - 22.08.2012

Dei 3 frammøtte i styret tilrår følgjande endring i pkt 1:

1. Nasjonalparkstyret for Jotunheimen og Utladalen er i tvil om nytteverdien til eit miljøvedtaksregister, og er redd at det vil medføre forholdsmessig mykje arbeid i høve til nytteverdien. Ved eventuell innføring må ein sjå nærare på korleis registeret kan bidra til *forenkling* gjennom å avløyse andre rapporteringar, framfor å medføre auka byråkrati.

#### Vedtak

1. Nasjonalparkstyret for Jotunheimen og Utladalen er i tvil om nytteverdien til eit miljøvedtaksregister, og er redd at det vil medføre forholdsmessig mykje arbeid i høve til nytteverdien. Ved eventuell innføring må ein sjå nærare på korleis registeret kan bidra til *forenkling* gjennom å avløyse andre rapporteringar, framfor å medføre auka byråkrati.
2. Det synest heilt urealistisk å kunne innføre eit så omfattande registreringssystem utan vesentlege økonomiske konsekvensar for dei ulike offentlege myndigheitsorgana. Eit fagleg tilfredsstillande registreringsarbeid vil krevje oppbygging og vedlikehald av kompetanse på alle nivå. Ved innføring av eit miljøvedtakeregister må ein såleis ta inn over seg at det vil krevje administrative ressursar av eit visst omfang. Høyringsdokumenta synest ikkje å vera utarbeidd med tilstrekkeleg innsikt i kva konsekvensar registreringsplikta får for dei mange kommunane i landet, som vil fatte ei mengd enkeltvedtak som etter forslaget skal kunne leggjast inn i registeret. Meirarbeidet ligg ikkje først og fremst i sjølve registreringa, men i at forvaltningsorgana må opparbeide og vedlikehalde nødvendig kompetanse hos fleire medarbeidarar.
3. Eit miljøvedtaksregister med ei tilfredsstillande teknologisk kartløyising vil vera eit nyttig verktøy for både allmenta og offentleg forvaltning, da det kan bidra til meir offentlegheit og danne grunnlag for rapportering og statistikk. Dette gjeld særleg vedtak om forskrifter om verneområde (naturmangfaldlova § 34 og naturvernlova), utvalde naturtypar (nml § 54), prioriterte artar (nml §§ 23 – 24) og trua artar. Det er meir tvil om registreringsplikta for alle enkeltvedtak har ein nytteverdi som står i forhold til meirarbeidet, og det er viktig at forvaltningsorgana får tilgang på nødvendige ressursar til gjennomføring. Ein må ved innføring leggje til rette for ei *forenkling*, ved at miljøvedtaksregisteret skal erstatte andre rapportssystem, og ikkje koma i tillegg til etablerte rapporteringar som skjer m.a. gjennom KOSTRA-systemet.
4. For funksjonaliteten i kartløyisinga vil det vera avgjerande at det blir utarbeidd ein kartstandard knytt til dei ulike vedtakstypane, jf. t.d. systemet som gjeld for framstilling av arealplanar. Vedtakstypane bør knytast til SOSI-standarden som gjeld for etablering av kartdata/geodata i Norge. Ein slik standard er også nyttig ved framstilling av forvaltnings- og skjøtselsplanar.

**ST 35/2012 Jotunheimen nasjonalpark - Bidrag til nytt amfi ved Gjendesheim  
- Besøksstrategi for Jotunheimen - DNT Oslo og Omegn**

**Saksprotokoll i Nasjonalparkstyret for Jotunheimen og Utladalen - 22.08.2012**

**Vedtak**

Nasjonalparkstyret for Jotunheimen og Utladalen ser positivt på at det vert tilrettelagt med amfi ved Gjendesheim, og løyver eit tilskott på 25.000 kroner. Tilskottet blir løyvd av dei frie tiltaksmidlane for 2012, på følgjande vilkår:

- Nasjonalparkforvaltninga og SNO skal ha høve til å nytte amfiet vederlagsfritt ved planlagde arrangement for naturrettleiing og naturinformasjon. Bruken blir avtala med bestyrar på Gjendesheim.
- Utbetaling skjer på grunnlag av framlagt dokumentasjon om fullfinansiering.
- Midlane kan krevjast tilbake dersom tiltaket ikkje blir gjennomført i tråd med innsendte planar.
- Dersom det mot slutten av året viser seg å vera att ledige midlar av dei frie tiltaksmidlane, godkjenner nasjonalparkstyret at det blir løyvd inntil 20.000 kroner i tillegg. Sekretariatet får fullmakt til å effektuere ei eventuell tilleggsøyving når det ligg føre ein samla oversikt på disponible midlar ved utgangen av november.

**ST 36/2012 Nasjonalparkstyret for Jotunheimen og Utladalen - - Plan for disponering av frie tiltaksmidlar for 2012**

**Saksprotokoll i Nasjonalparkstyret for Jotunheimen og Utladalen - 22.08.2012**

**Vedtak**

Nasjonalparkstyret godkjenner framlagt forslag til disponering av dei attverande 130.000 kroner av frie tiltaksmidlar for 2012, med følgjande merknad:

Sekretariatet må sjekke med Utladalen Naturhus om dei treng midlar til utescena i år eller 2013. Dersom dei ikkje treng midlane i år, vert desse midlane overført til posten for «Oppgradering av skilt/informasjonsmateriell...»

## **ST 37/2012 Jotunheimen nasjonalpark - Dispensasjon - 2012 - Innsamling av aurskrinneblom - NTNU Vitenskapsmuseet v/ Hans Stenøien**

**Saksprotokoll i Nasjonalparkstyret for Jotunheimen og Utladalen - 22.08.2012**

### **Vedtak**

Med heimel i naturmangfaldlova § 48 får Hans Stenøien ved NTNU Vitenskapsmuseet dispensasjon frå verneforskrifta for Jotunheimen nasjonalpark § 3 pkt. 2.1 for innsamling av aurskrinneblom i tråd med søknad datert 08.08.2012. Løyvet inneber at det er høve til å samle inn skulpter og noko bladmateriale av arten *Arabidopsis lyrata* (aurskrinneblom) for forskning på prosessar bak lokal tilpassing og populasjonsdynamikk.

Dispensasjon vert gjeve på følgjande vilkår:

- Løyvet gjeld for 2012.
- Det skal berre samlast inn det som er nødvendig for dokumentasjon og analysar av den utvalde arten.
- Uttaket må ikkje vera av slik omfang at det kan medføre fare for at arten kan forsvinne eller få vesentleg tilbakegang på dei utvalde lokalitetane innan nasjonalparken. Så langt det er råd bør innsamlinga leggjast til lokalitetar utanfor verneområde.
- Det skal ved avslutta prosjekt leggjast fram ein enkel rapport til nasjonalparkforvaltninga om resultatane av undersøkingane.

## **ST 38/2012 Jotunheimen nasjonalpark - Dispensasjon - Motorferdsel - Transport frå nasjonalparkgrensa til Glitterheim - Michael Dahmen**

**Saksprotokoll i Nasjonalparkstyret for Jotunheimen og Utladalen - 22.08.2012**

### **Vedtak**

Søknad frå Dahmen om bruk av eigen bil frå bommen i Veodalen og inn til Glitterheim Turisthytte blir med heimel i verneforskrifta § 5.1 avslått. Det vil skape uheldig presedens om ein opnar for bruk av privatbil på vegen inne i nasjonalparken.

I tråd med etablert forvaltningspraksis kan transportbehovet for rørslehemma likevel imøtekomast om det er ledig kapasitet på varetransport inn til turisthytta. Ved behov for transport av enkeltpersonar med funksjonshemming etter vegen til Glitterheim, kan det etter melding til nasjonalparkforvaltar gjevast løyve til dette i den grad det let seg samordne med den ordinære transporten knytt til drifta av Glitterheim turisthytte.

Denne praksisen kan følgjast for andre tilsvarande saker, med referat til nasjonalparkstyret i første påfølgande møte.

# ST 39/2012 Jotunheimen nasjonalpark - Dispensasjon - Motorferdsel - Transport av funksjonshemma frå nasjonalparkgrensa til Glitterheim

Saksprotokoll i Nasjonalparkstyret for Jotunheimen og Utladalen - 22.08.2012

## Vedtak

Søknad frå Inger Lise Innerdal om løyve til skyss inn langs vegen inn til Glitterheim for funksjonshemma slektning blir innvilga i tråd med etablert forvaltningspraksis, der det etter kontakt med bestyrar er stadfesta det er mogleg å samordne skyssen med godkjent varetransport inn til turisthytta. Ved behov for transport av enkeltpersonar med funksjonshemming etter vegen til Glitterheim, kan det gjevast løyve til dette i den grad det let seg samordne med den ordinære transporten knytt til drifta av Glitterheim turisthytte utan at dette utløyser behov for ekstraturar. Løyvet gjeld for 1 tur/retur frå vedtaksdato og ut haustsesongen ved Glitterheim.

Denne praksisen kan følgjast opp av nasjonalparkforvaltar for andre tilsvarende saker, med referat til nasjonalparkstyret i første påfølgjande møte.